

**Мен
Жаннетте
къалай
тюшерге
боллукъма?**

Вернер Гитт

Мен Жаннетге къалай тюшерге боллукъма?

Кёп адам – ёлюмню юсюнден ойлагъанла окъуна, ёлгенден сора ол дуниялары къайда ётеригини юсюнден сагъыш этмейдиле. Бу дуниядан ёлюп кетгенден сора, ала ёмюрлюк жашаугъа ётериклерини юсюнден оймайдыла – ол жашау а, не Раббийни биргесине – жаннетде, не Рабийсиз жаханымде боллукъду. Бир белгили киноартист жети жылы толгъанда «Инопланетянин» деген фантастика кинода баш ролюн ойнагъанды. Эмда андан сора бек белгили адам болгъанды. Кёп болмай, жыйырма сегиз жылы толгъанда, ол былай айтханды: «Мен киштигимден алгъа ёлсем, анга, мени кюйдюргенден сора мени кюлюмю ашаргъа беригиз; алай бла мени жашауум киштикде окъуна андан ары барсын».

Кесини ёмюрлюк жашаууну юсюнден аллай бир ойлаусулукъ къалай осалды!

Исса жерге келип адамланы арасында жашагъан заманда Анга бек кёп адам келе эди. Аланы асламысы бу дунияны жашаууна керекли затланы излей эдиле:

- **Келепен ауруулары болгъан он адам Исса аланы сау этерлерин излей эдиле** (Лука 17:13);
- **Сокъур адамла кёзлери кёрюрлерин излей эдиле** (Маттай 9:27);
- **Халкъны ичинден биреу Иссагъа: «Устаз, мени къарындашыма айт, ол бизге къалгъан мюлкден юлешип, мени юлюшюмю берсин» – деди.** (Лука 12:13-14);
- **Фарисейле Иссагъа келип: «Кесарьгъа жасакъ берирге тийишлимиди огъесе туююмю» – деп хыйлачы соруула бере эдиле** (Маттай 22:17).

Эмда бек аз адам жаннетге къалай тюшерге боллукъну юсюнден сорургъа Иссагъа келе эдиле. Бир жаш адам Иссаны соруу берир ючюн излей эди. Ол: **«Ахшы устаз! Ёмюрлюк жашаудан юлюшлю болур ючюн, мен не этейим?»** – деп сорду. (Лука 18:18) Исса анга: **«Битеу болгъан затынгы сат»**, – деди. Жюрегинде биринчи жерни алгъан затны юсюнден айтхан эди. Эмда андан сора: «Кел да Мени ызымдан жюрю», –

деди. Ол жаш адам бек бай болганы себепли, Иссаны айтханына кѳулакъ салмады эмда кеси Жаннетни кѳа-был этмеди. Жаннетни излемегенле да бар эдиле, алай а Иссагѳа тюбеп жаннетни юсюнден эшитгенден сора, олсагѳат окѳуна жаннетге тюшер хар амалны хайырланнгѳан кѳп адам да бар эди. Сѳз ючюн, Закай деген бир адам Иссаны жаланда кѳрюрге излей эди. Алай а, жаланда кѳрюп кѳалмай, Закай жаннетге жолну тапхан эди. Закайны юйюнде кѳонакѳа болгѳан кезиуде, Исса анга: **«Энди бу юйге кѳутхарылыу келди»**, – деди. (Лука 19:9).

Жаннет деген неди?

Эмда биз аны бу дуняда кѳалай табаргѳа боллукѳбуз?

- Жаннет – ол бош зат тѳюкѳдѳю. Ол кертиси бла да болгѳан, Раббий бизге хазырлагѳан жерди.
- Жаннетге тюшер ючюн кѳп тюрлю хазырланыула керек- мейдиле.
- Жаннетге тюшер ючюн кѳп тюрлю кѳыйын борчланы толтуруу керекмейди.
- Багѳалы окѳуучула, сиз эм биринчи билирге керекли зат: бююн окѳуна сизни Раббий Аллахдан ѳмюрлюк жашауну саугѳагѳа алыргѳа амалыгѳыз барды.

Ол амалны юсюнден Раббий не айтады? Биз, жаннетни излеуде Раббий бизге аны саугѳагѳа берирге айтханын эсге алмаса кѳ – жаннетге тюшерге башха амалла излегенибиз бошду. Бир жырчы бир масхарагыны юсюнден былай жырлай эди: «Ол жаннетге тийишлиди, нек дегенде – кѳп адамланы кѳууандыра эди». Бир бай тиширыу а, жарлылагѳа болушлукѳ этген фонд кѳурагѳан эди эмда жыйырма жарлы тышырыу хакѳ тѳлемей жашарча, юйню ишленнгенине тѳлеген эди. Ол юйде жашаргѳа излегенле, хар кюн сайын, бир сагѳатны ичинде алагѳа бу ахшылыкѳны этген тышырыуну жаны кѳутхарылыр ючюн тилек этип туурургѳа керек эдиле.

Биз кертиси бла жаннетге кѳалай тюшерге болаллыкѳбыз?

Аны бизге ангылатыр ючюн Исса оюм берген таурухну айтды (Лука 14:16). Бу оюм берген таурух Иссаны сыфатын ачыкѳлайды. Бир адам уллу ушхууур этерге оноу этди (мында ушхууур – жаннетни кергѳзтеди) эм кѳп

адамлагъа чакъырыу къагъыт жиберди. Алай а чакъырылган адамланы жууаплары бек сейирсиндиредиле. Ала бары да чакъырыугъа «угъай» дедиле эмда «бары да бир тилли болганча кечгинлик тилеп башлагъандыла.

Биринчиси: мен жер сатып алганма...

Экинчиси: мен беш къош ёгюз сатып алганма...

Ючюнчюсю: мен къатын алганма, ол себепден келаллыкъ туююлме». Исса оюм берген таурухун ушхуур этген адамны сёзлери бла бошады: **«Ол себепден сизге айтама – ол алгъа чакъырылганладан бири да мени ушхууруму татарыкъ туююлдю»**. (Лука 14:24).

Жаннетни табаргъа болгъаныча, тас этерге да бола кёреме? Биз чакъырылыуугъа хау неда угъаймы дейбиз – ол бек магъаналыды. Андан магъаналы зат бола-лырмы? Бек кёп адам ахырзаманда жаннетге тийишли болмай къаллыкъдыла. Ол иш а адамла жаннетге жолну билмегенлеринден туююл, алай а ол жолну къабыл этмегенлери ючюн боллукъду.

Биз ол оюм берген таурухда айтылган юч адамдан юлгю алыргъа керек туююлбюз – аладан бири да уллу ушхуургъа келмеди! Алай болганлыкъгъа уллу ушхуур болмай къалмады. Чакъырылганла угъай дегенден сора, юйню иеси кесини къулларына: «Хар бир адамны да чакъырыгъыз», – деп буйрукъ берди. Ол энди алтын накъышлары бла жасалган чакъырыу къагъытла жибермейди. Энди жаланда: «Келигиз», – деген сёз тамамды. Ол чакъырыугъа келген адам уллу ушхуурда кесине жер табады. Сора уа не? Адамла ушхуургъа барадыла; кёп адам окъуна барады. Юйню иеси тегерекге къарап, дагъыда бош жерле болгъанын кёрюп эмда кесини къулларына: «Барыгъыз да, адамланы келирге атландырыгъыз», – деди.



Бу оюм берген таурух бююннгу болумну бек ачыкъ кѣргюзтеди. Жаннетге эшик хар адамгъа да ачыкъды. Раббий санга буйрукъ этеди: «Акъылман бол! Бююн кел, жаннетде санга хазырланган жерни ал. Ёмюрлюк жашаудан юлюшлю бол!»

Жаннет биз аны ачыкъларгъа болалмазча ариуду. Коринфлилеге жазылган биринчи къагъытда (2:9) жаннетни юсюнден былай жазылады: «Аллах, Аны сюйгенлеге не хазырлагъанын кѣз да кѣрмегенди, къулакъ да эшитмегенди эм ол адамны жүрегине да келмегенди». Бу дунияда жаннет бла тенгleshдирир бир зат да жокъду. Анда алай аламатды! Жаннет алай багъалыды, биз ары тюшерге бир амалыбызны да тас этерге керек туюлюбюз.

Раббий Исса бизге жаннетге жол ачханды. Иссаны юсю бла жаннетге кирирге амал барды. Энди бары да бизни къолубуздады. Чакъырыу къагъыт келген заманда «Угъай» дегенле ол юч оюмсуз чакъырылганнга ушарыкъдыла.

Къутхарылыу Исса Масихни юсю бла бериледи

«Абустолланы ишлери» деген китапда (2:21) биз бек магъаналы сѣзлени окъуйбуз: **«Раббийни атын айтып тилек этген хар адам къутхарыллыкъды»**. Бу сѣзле – Жангы Кесаматны баш магъанасын тутхан сѣзледиле. Абустол Паул Филиппы деген шахарда тутмакъда болган заманда сакълауул бла ушагъын бу сѣзле бла бошаган эди: **«Раббий Масих Иссагъа ийнан, кесинг да къутхарылырса эм битеу юйрюнг да къутхарылыр»** (Аб. Ишл. 16:31). Бу сѣзле адамны жашауун тюрлендирирге болаллыкъ сѣзледиле. Ол ингирде окъуна сакълауул тобагъа къайтды да жаннетге тийишли болду.

Исса неден къутхаргъанын билирге керекди: ёмюрлюк ёлюмге элтген жолдан – жаханымден. Инжилде жазылганнга кѣре адамла жаннетде кирик жаханымде да ёмюрлерин ётдюрюкдюле. Бир жер – аламатды, экинчи жер а - ахырлыкъды. Ючюнчюсю – жокъду. Ёлгенден сора хар неда бошалады деп бир адам да айталлыкъ туюлюдю. Оноу Иссаны къолундады. Биз Иссаны къабыл этсек ёмюрлюк жашауубуз жаннетде боллугъун билебиз. Бир жол мен лекцияларым бла Польшада болган эдим. Анда биз Освенцим концлагерге барган эдик. Немисли фашистлени заманында анда бек къоркъунчлугъу эм кюйсюз затла бола эдиле.

1942-1944 жыллада Освенцимде газ бла буулуп эм кюйдюрюлуп бир миллион бла беш жүз минг адамгъа жуукъ ёлтюрюлген эдиле. Аланы асламысы чюйютлюле эдиле. Литературада «Освенцимни жаханими» деген сёз кюралганды. Ол сёзню юсюнден, мен газ жиберилген камерада, бир кереге алты жүзге жуукъ адам ёлген жерде ойлай эдим. Ол сёз бла айталмазча ахырылыкъ эди. Ол жер кертиси бла жаханымми болур эди?

Биз – экскурсиягъа баргъан къауум адам - ол жерлени къоркъуусуз башдан аякъгъа дери къараргъа онгубуз бар эди, нек десегиз ол жерде энди бир адамны да ёлтюрмей эдиле. Ол адамсызлыкъ ишлени ахыры 1945 жылда келген эди. Освенцимде болгъан жаханым бир талай заманны ичинде болгъан эди, Инжилде жазылгъан жаханым а - ёмюрлегеди.

Освенцим музейде мени кёз къарамым къабыргъаланы биринде орналгъан жоргъа тюшдю. Ол тутмакъгъа тутулгъанланы бири кесини ышануун чюй бла къабыргъада тырнагъан эди. Ол жазыкъ адам кёп башха адамла бла бирге газ жиберилген камерада ёлгенди, алай а ол кесини къутхарыучусун – Масих Иссаны биле эди. Ол адам – ол кюйсюз, ахырылыкъ жерде ёлгенликге – жаннет эшик анга ачыкъ эди. Жаханымден а (Исса бизге Жангы Кесаматны бетлеринде кёп кере айтады; сёз ючюн Маттай 7:13; 5:29–30; 18:8) адамгъа не къутхарылыу, не азатланыу жокъду. Освенцим бла тенглешдиргенде жаханым «тохтаусуз» ишлейди – ёмюрлегеди. Аны себепли, жаханымге къысха экскурсия этерге амал жокъду.

Жаннет да ёмюргеги. Ол – Раббий Аллах бизни элтирге сюйген жерди. Аны себепли, сизни Раббийге чакъырыргъа, мени эркин этигиз. Раббий Иссаны къабыл этигиз да, кесигизге жаннетде жер хазырлагъыз!

Бир жол, лекциямдан сора бир тиширыу менден былай сорду: «Адамгъа жаннетде кесине жер хазырларгъа амал бармыды? Солуу жерлеге барыргъа болушлукъ этген бюрогъа ушайды сизни айтханыгъыз!» Мен ол тиширыуну айтханы бла келишдим: «Адам алгъадан кесине билетни алыргъа онг этмесе – муратына жеталлыкъ туюлду. Сиз Гаваялы айрыкамгъа барыргъа сюе эсегиз, сизге билет алыргъа керекди». Ол менден дагыда былай сорду: «Билет алыр ючюн багъасын төлерге керек болур да?!» – «Хау, жаннетге элтген билет-ни да багъасын төлерге керекди! Алай а, жаннетге элтген билетни багъасы алай багъады, бир адам да аны багъасын төлеялмайды. Гюнях – бизни жаннетге жолубузда



чырмауду. Раббий Аллах а кесини кёклеринде гюняхха тёзмейди. Бу дуняда жашаудан сора Жаннетде ёмюрюн бардырама деген адам алгъа кесини гюняхларындан азат болургъа керекди. Ол азатланыуну кеси гюняхсыз болгъан эталлыкъ эди – эмда ол Адам Исса Масих болду. Жаланда Ол тёлеялгъанды бизни гюняхларыбызны! Эмда тёлегенди – Кесини къаны бла, Кесини къачда ёлгени бла».

Мен Жаннетге тюшер ючюн не этерге керекме? Раббий Аллах барыбызны да Аны къутхарылыуун къабыл этерге буюрады. Инжилде кёп аятла Раббийни чакъырыуун къабыл этерге бизни кёллендиредиле:

- **«Тар къабакъдан кирирге кюрешигиз»** (Лука 13:24).
- **«Тобагъа къайтышыгъыз, Кёклени Патчахлыгъы жууукълашханды»** (Маттай 4:17).
- **«Тар къабакъдан киригиз ; нек десегиз кенг къабакъ бла эркин жол жоюлуугъа элтгенледиле, кёпле да ол къабакъ бла киредиле. Тар къабакъ бла такъыр жол – жашаугъа элтгенледиле, ол жолну уа азла табадыла»** (Маттай 7:1314).
- **«Ёмюрлюк жашауну тут, сен анга чакъырылгъанса»** (1 Тимотейге жазылгъан къагъыт 6:12).
- **«Раббий Масих Иссагъа ийнан эм къутхарылырса»** (Абустолланы ишлери 16:31).

Бу башында жазылгъан чакъырыула бары да хакъ кертидиле эм бизни ёмюрлюк жашауубузгъа оноу этерге чакъырадыла. Бу сёзледе аланы керти магъаналарын эм ол ишни артха салыуугъа жарамагъанын кёресиз. Бу чакъырыугъа сизни тюз жууабыгъыз быллай тилекде кёрюнюрге боллукъду:

«Раббий Исса, мен бюгюн окъугъаныма кёре Сени жаннетинге мен жаланда Сени юсюнг бла кирирге болаллыкма. Мен Сени биргенге жаннетде болургъа сюеме. Ол себепден мени жаханымни тузагъындан къутхар. Мен гюняхлы болгъаным себепли мени барлыкъ жерим жаханымди. Сен а мени гюняхларым ючюн къачда ёлюп, аланы тёлегенсе. Сен мени гюняхлы табийгъатымы туугъан кюнюмден бюгюннге дери кёресе. Сен мени хар болгъан гюняхымы да, унутулгъан гюняхымы да билесе. Мени жүрегими талпыгъаны санга ачыкъды. Болгъан халим бла мен Сени жаннетинге кираллыкъ туюлме. Мен Сенден тилейме, мени бар этген гюняхларымы кеч, мен бек сокъуранама. Мени жүрегиме кел да, Сени бла жаннетде болургъа чырмагъан затланы тазала деп тилейме. Сен манга жангы жашау бер. Сени Сёзюнгю – Инжилни ангыларгъа болуш. Сен манга сени Сёзюнгю юсю бла айтыргъа сюйгенинги ангылат эмда бойсунган жүрек бер, Сени оноуунгу толтурурча. Мени Оноучум бол. Мен Сени ызынгдан барыргъа сюеме. Сен мени жашауумда барыр жолуму кёргюзт. Сен мени эшитгенинг ючюн эмда Сени баланг болургъа эркинлигим болгъаны ючюн Санга махтау салама. Ол дуняда мен Сени бла бирге жаннетде боллугъума ийнанама. Амин».

Профессор,
доктор технических наук
Вернер Гитт



Название статьи на немецком: Wie komme ich in den Himmel?
Интернетовский сайт автора: www.wernergitt.de

Publisher: Bruderhand e.V.
Am Hofe 2; 29342 Wienhausen, Germany
Tel.: +49 (0) 51 49/ 98 91-0, Fax:-19
Homepage: bruderhand.de
E-Mail: info@bruderhand.de



Nr. 120-40: Balkarisch/Balkarian, 3rd edition 2012